



O Volapükaflens Valöpo!

Pidob vemo, das ejonob ladeti dobik Vicifala su pad II:11:2006 gaseda; ladet oma verätik binon : G.P.O. Box 5985, HONG-KONG, Tsyinän.

Volapükaflens anik sagon, das neai espikons Volapüki, e binons närvodiks lo tikamagot somik. Mutob sagön, das no spikoy Volapüki suvo, bi Volapüflens no binons mödiks. Ab ven laboy pöti gudik ad spikön Volapüko, no sötöy refudön pöti at. „Do kanob gudiko penön, no kanob spikön,” sagoy. Ekö mobils frutik ad fasilükön spikoti Volapüka:

Balido neodoy okkonfidi (e kleiliko noli Volapüka!) ab okkonfid jafon milagis!

Telido, bi Volapük neodon vödis nemödik ad dajonön tikamagotis alsotik, no steifüloyös ad spikön tu vifiko. Mens anik cedons, das if no spikoy vifiko, no reigoy püki, ab atos binos neveratik!

Kilido, geboyös –oy pö spikots valemik.. Binos fasilikum. Ya sevoy spikotadinis, kels nitedons oyi – sekü atos, labükoyös lisedi vödas zesüdik ad atos.

Folido, geboyös vödis nekomplitik. Tikamagots kanons ti ai pamagulön fa vöds balugik. If kespikan gebon vödi(s), keli(s) no suemoy, täno säkoyös kleilükami!

Äsä elogols, egebob finoti –oy! Äbinos fasilikum!! Ab at tefon te spikotis valemik. Ven spikol nätimikumo, kleiliko mutoy gebön elis –ob ed – ol, ab atos binos klülabikos, no-li?

Valikosi Gudikün Oles ed Olikanes

Ralph

TÄV LÜ FAERUÄNS (DIL TELID)

Fa hiel Robert Pontnau

Länäd Faeruänik binon klifik; klifs löükons okis se mel. Klifs nen bims, grüniks kodü yeb, kö bälätöns jips. Klifs kö nästons böds. Vegs gudik yümöns zifis e vilagis. Lifanivod binon geilík, ibä Danän fienon kildili бүсәтә. Vaibobs lü vilag „Kirkjuböur,” kö flen Norgänik oba, kel ästudom seimüpo tö „Torshavn” Faeruänapüki, e kel seivom profäsozan Poulsen. „Kirkjuböur” sinifon „glügavilag.” Binon cifazif vönädik nisulema. Nilü „Torshavn,” pö flen votik belema, stanon glügafailot, bijopän vönädik nisulema. Nilü glüg at dabimon glüg nulikum, ab niteda läsik. Farmamused gretik, labü möns blägik ko nufs turbagik e fenäts redik, äbinon lödöp bijopa jü Reformat Luteranik.

Pö naed balid änúgölob ini dom privatik Faeruänik. Äbinon pülik, ab völs pätegonz fa buks in püks mödik. Profäsozan äspikon obes me Danänapük skilädik tefü vödistuk. Mutoy jafön vödis nulík ad pladulön dinis nulädik. I steifüloy (ko plöp läsik) ad plaädön vödis Danänik medü vöds Faeruänik. Stukoy vödis, u me vöds koboplädöl, u gevoy vöde siämi nulík. Profäsozan lofom obes fidi, cifo bodi ko prods melik. Zibs mödik jinons binön uts länas Skandinänik votik.


Lespat lü zifil „Vestmanna,” nolüdü el „Streymoy” äbinon lunikün, keli ädunob. Nen tood, sekidoy de nibuds, kels binons saidiko jeriks. Zifil „Vestmanna” muton binön zif pro Faeruänans, ibä binon saidiko gretik. Famon demü bödaklifs. Törans kanons nafön zü melajol nolüdik. Klifs labons fomis magälik; suvo nafoy da kevs susmelik, kiöpío núgöloy me nafil. Böds binons lödöns soelik klifas at. Us äsenob somödiko nämädi nata nolüdik. Mens senons okis pemuüköls fa nat sovadik, kö mel e klifs mesülöns dö dabin okas, e kela tepi mens kanons te vitön, ab neai takedükön.

Vilob finükön konoti oba dub vöds anik tefü Faeruänapük. Binon Skandinänapük vönik äs spikoy oni in Lisladän. Vödastok jinon binön ut pükas nulädik Skandinänik, ab edakipon deklini äsi konyugis

mödikum. Lisladänans kanons reidön oni, ab neodoy delis anik ad suemön spikölanis, bi sit fonetik difon mödo. Zuo Faeruänapük dalabon fomis gramatik nemödikum, ka Lisladänapük. Utans, kels vilons lärnön oni, e kels ya sevons püki seimik Skandinänik, otuvons, das tidodabuk tiädü : „Kursus i faeroesk“ kobü kasät fa söl Jeffrei Hendriksen, kel binom niveraprofäsoran, binon legudik. Linglänapüko dabimon „Introduction to modern Faroese,“ kel diseinon ad dajonön püki, plu ka ad tidön oni.

Älifädob su Faeruäns vakeni mu plitiki, ab toä äkanob spikön püki komunik, nesuviküno äspikob Faeruänanes dö yegäds fefik. Do alan sion, das lif us binon plitik, e das fikul cifik binädon me jenöfot, das läns votik binons so fagiks ven viloy tävön; no kanob sevön, va id ob kanoböv lödön dü lunüp in län smalik at nen naütön obi!

FIN



KOJMAR BOADIK E DRATIK

Fa hiel John Redgwell

Ämutoy plaädön dratis lödateada obsik. Kapenans ya imeikoms boadalaedis zü nufed. Lektinans äpromoms ad kömön tü tudel balidkömö, ab jenöfo no äkömoms, bi balan omas ämalädöm. Plao äkömoms tü dödel ad primön vobodi. Äsagoms, das öfinükoms vobodi tü mudel sököl, ab tü del at man, kel ämutom blinön kabi, no älükömom, klu no äkanoms finükön oni. Ämutoms zögön dini jüs vig sököl! Dönu äspetobs ed ädotobs.

Mudel viga sököl älükömon. Lektinans älükömons kuratäliko – ab no ad vobön! Änunoms obes, das mutoms finükön vobodi in dom votik! Fino äfinükoms vobodi dratik tü del sököl, ab kojmar no nog ifinikon pro obs. Kapenans ämutoms gekömön ad meikön tegedi boadik sus dratäd. Timü at, lektinans i mutoms gekömön, bi dalogan ätövom, das no iläükoms drati lütailik lü föns valik. Nen ons riskobs lifi obsik – kojmar kion!

CILS KĀPTENA GRANT (fa Jules Verne) (4)



Hiels Glenarvan, MacNabbs, Paganel, Robert āsi matrods bofik ela 'Duncan,' sevabo: hiels Tom Austin e Mulrady monitoms lūdō Landens. Limans sedanefa pesūdūkoms fūmo, das otuvoms nepubanis, if binonōv verātik būoced hielā Paganel, sevabo: das Kāpten Grant jenōfo pefanom fa lindiyans.

Binoms ya dibiko in belem, kō ekolkōmoms neletiani balid gretik. In fālid nabik muludimofan sukom vaniko segolōpi.



Fümādiko nūdranon grupanef
smalik ai fōfio ini belem. Riskād
nonik dredūkon oni, do lut rafinik
blufon vemo nāmi ā sufidi ona.

„Mutobs plōpōn,
o flens obik!”

„Mutobs tuvōn jelōpi
sefik ad neitilifādōn.”

„Yufō! Yufō!”

„O Paganel!
Kis ejenos-li ole?”

„Jelōp!
Etuvob oni!”

Sekretan efalom ini ludomil me nif petegöl.

„Kin ākanon-la-li
sevōn, das aneito
ūtakedobs lā filōp?!”

„Slipobsōs!”

LOTER TÖ BABÜLONÄN (DIL TELID)Fa hiel Jorge Luís Borges

(Balükam at izesüdon, bi tölats nulik äbinons vemo veitiks ä komplitik). Telido, älonon, das loter övedon klänik, glatik ä valemik. Päproibon sel moniälilik zötas. Ya pänüdugöl ini müsters ela „Bel,” man libik alik sunädo äprimon ad kompenön pö loteritireds saludik, kels äjenons in labürens goda ün neits mäldeg alik, e kels äfümetons fätoti omik jü turn ösököl. Seks äbinons nekalkuloviks. Nüm gönik äkanon kodön tovami obsik lü konsälalef magivanas u fanäbami neflena (notika u nätimika), u, in dag püdik slipacema, komi vorna, kel iprimof ad jänälön obis, u keli ya no äspelobs ad dönulogön. Nüm badik: mitulamä, jemükami, deadami. Semikna jenöfot bal – sasen lukomunik ela C, vikod klänöfik ela B – äbinon tuvedot letälenik loteritiredas kildeg u foldegas. Yümätam tiredas äbinon fikulik; ab sötos pamemön, das pösods Kompenäta äbinons (e nog binons) valanämädiks ä lukäfiks. Ön jenets mödik, nol, das freds semik ibinons sek fädas, iläsükönöv tugi onsik; ad skeapön de neblesir at, pösods Kompenäta ägebons tikodükamis e magivi. Steps onsik, bits e dunots onas, äbinons kläniks. Ad vestigön spelis u jekälis nätimikis mena alik, ägebidons dö strologans e lükans. Ädabinons leons largentik semik; ädabinon jiedöp saludik, „Qaphqa” panemöl; ädabinons hogs semik len vatidugian bäldik pipuinädöl kels, bai ced valemik, ödugons lü Kompenät; badikans e gudikans äkipidons kusadis ini plads at. Ragiv lafabik äkonleton nunis at pepenöl me niväts distöfik verata.

Nekredölo, no ädefons vögs nebaicedöl. Kompenät, me prüd kösömik oka, no ägespikon stedöfo. Äbuükon ad skätön, bevü failots maskarifabriköpa, takomipi brefik, kel anu binon dil penädas saludik. Vödem pastümöl at äküpeton, das loter binon länumam fädöfa ini volaleod, e das zepam pölas no binon taspikam fädöfa, ab taädo fümükam onik. Id äküpeton, das leons et ed el „Qaphqa,” gef saludik et, do no päataköls fa Kompenät (kel no iklemon gitäti ad konsultön onis), ödunodons nen garan calöfik.

Stet at ästilukon muifis notidik. Id äprodon vobedis votik, ba no pibüosagölis fa lautans. Dibiko ävotükon lani e tölatis Kompenäta. Tim nemödik reton obe; sagon, das naf obsik suno odevegön; ab osteifülob ad plänön atosi.

Ojinos dido nekredovik, das nek isteifülon ad tuvön teorodi valemik pledas. Babülonänans binons nemodo fomälöfik. Getedons lonädis fädas, givons ones lifi oksik, speli oksik, dajeki tudredälik oksik, ab no vilons okso vestigön lonis onsik labürenikis u glöpis tulöl, kels sävilupons onis. Stet fa ob pemäniotöl ye ästigädon bespikis mödik natäla lonik-matematik. De bal onas pämoton tikamagot sököl: if loter binon nämükam fädöfa, lüükam periodik kaota leode, lespade, no binosöv-li gidöfikum, if fädöf öflunonöv dilis valik tireda, no te bali?

No binos-li smilöfik, das fädöf öfümeton deidami neka, ab no jäfäti onik – notidik u klänik – ünü düp bal u yels tum? Favs vemo gidiks ats äkodons fino votükami lelogabik, kelas komplitis (pänamükölis fa dul tumyelas) te jäfüdisevans nemödik suemons, ab kelis osteifülob ad skätön naböfo.

Fomälobsöd loteritiredi balid, kel fümeton deadami mana semik. Ad dadunön oni, loteritired telid jenon, kel mobon, sagobsös, odeijütans mögik mä. Se odeijütans at, folans kanons primön loteritiredi kilid, kel onunon nemi odeijütana jenöfik, telans kanons plaädön büdi negönik me büd läbik (samo, otuvam diva), balan otuükon deadami (as sam, onotidükon oni, ud opluükon mödoti tomas), votikans kanons refudön ad dadunön oni . . . Somik binon skemat sümbolik. Jenöfo num loteritiredas binon nenfinik. Slud nonik binon dafinik, ons valik volfons ini tuigs susnumik. Nennolans büocedons, das tireds nenfinik flagons timi nenfinik; jenöfo, saidos, das tim binon nenfiniko dilovik, äsä tidon fab famik : „Futorön ta tortug.” Nenfinöf at lönedon magifiko pö fäds nebüosagovik e pö Dial Sülük Lotera, keli kultons platonans . . .

(Finoti kanoy reidön ün mul okömöl) Tradutod fa hiel Sérgio Meira)

KÄLOLÖS LADI !
Fa hiel John Redgwell

Brefiko bü Kritid, jiflen gudikün jimatana obik ädeadof süpo demü ladtatak, bāldotü lifayels luldegjöl. Ni of, ni sanan ofa äsevens, das ālabof ladamalādi. Ekö nuned pro valans - mutobs kälön ladi obsik!

Noe mens bigik abi mens slenik plakons ladtatakis; jenöfo jiflen jimatana obik ābinof slenik. Mōdāns kredons, das ladamalād binon malād te manas. Jenöfo i voms mōdik plakofs oni. Smōkam, pinād esatüköl, jueg erafinüköl, laikohol ā sal tu mōdiks xāinons riski ladamalāda. Koapimuf nesaidik kanon i xāinön riski.

Jiflen jimatana obik (ās fat obik, kel ādeadom bāldotü lifayelas māldeg jöl kodü ladtatak) āsmōkof zigarūlis. Sanan obik ānunom obe, das smōkam zigarūlas smalik te degas a del ōsaidon ad kodön ladamalādi. Āfredom, ven āsagob ome, das ob no smōkob.

Cedü ob, smōkam binon kod gretikün ladtatakas. Ye pated pināda, keli fidobs, i binon vemo veütik. Pināds mononeesatüköl binons gudikūns tefü lad saunik. Pināds at komādons in, samo, nōts, learaflukaleül e navātasidaleül. Diātans komādons, das sōtobs vitön miligi pinādafulik ā mitis pinādik; ye sōtobs fidön fitis leülik ōmna a vig.

Vo kredob, das if kälobs ladi, kanobs lunükön lifi obsik.



DÖ LUDRINAN E HEROT

Hipul at, kel lōfom drinodi,
 Tōba no logom finodi;
 Ya binom brietik
 Kodü vin vietik,
 E seimo no tuvom trodi!

Flen jofik ālabom heroti;
 Ekōmon de lefat – geroti!
 Pelebladon fa vien,
 Nu patomom fa klien
 Ad sevükön lefate peroti!

VÖD LÄTIKÜN SUVO VÖD RÄTIKÜN!